

欽定四庫全書薈要

史部
正史類

吉林出版集團有限責任公司
海天出版社

目次

書名	卷次	頁次	作者
宋史 卷一三八 志第九一 樂二三 卷一三九 志第九二 樂二四 卷一四〇 志第九三 樂二五 卷一四一 志第九四 樂二六 卷一四二 志第九五 樂二七 卷一四三 列傳第九六 儀衛一 卷一四四 列傳第九七 儀衛二	卷一三八—卷一七九	一三三—一 一三三—一五 一三三—三二 一三三—四六 一三三—五七 一三三—七一 一三三—八四	元・托克托撰

書名	卷次	頁次	作者
卷一四五 列傳第九八 儀衛三		一三二一九二	
卷一四六 志第九九 儀衛四		一三二一〇八	
卷一四七 志第一〇〇 儀衛五		一三二一一七	
卷一四八 志第一〇一 儀衛六		一三二一二三	
卷一四九 志第一〇二 輿服一		一三二一四一	
卷一五〇 志第一〇三 輿服二		一三二一五五	
卷一五一 志第一〇四 輿服三		一三二一六五	
卷一五二 志第一〇五 輿服四		一三二一七八	
卷一五三 志第一〇六 輿服五		一三二一九二	

書名	卷次	頁次	作者
卷一五四 志第一〇七 輿服六 卷一五五 志第一〇八 選舉一 卷一五六 志第一〇九 選舉二 卷一五七 志第一一〇 選舉三 卷一五八 志第一一一 選舉四 卷一五九 志第一一二 選舉五 卷一六〇 志第一一三 選舉六 卷一六一 志第一一四 職官一 卷一六二 志第一一五 職官二		一三二—二〇四 一三二—二一八 一三二—二三三 一三二—二五五 一三二—二七九 一三二—二九六 一三二—三〇九 一三二—三二九 一三二—三四六	

書名	卷次	頁次	作者
卷一六三 志第一一六 職官三 卷一六四 志第一一七 職官四 卷一六五 志第一一八 職官五 卷一六六 志第一一九 職官六 卷一六七 志第一二〇 職官七 卷一六八 志第一二一 職官八 卷一六九 志第一二二 職官九 卷一七〇 志第一二三 職官一〇 卷一七一 志第一二四 職官一一		一三二—三六八 一三二—三九〇 一三二—四〇九 一三二—四二五 一三二—四四〇 一三二—四六二 一三二—四八四 一三二—五一一 一三二—五二八	

書名	卷次	頁次	作者
卷一七二 志第一二五 職官二 卷一七三 志第一二六 食貨上一 卷一七四 志第一二七 食貨上二 卷一七五 志第一二八 食貨上三 卷一七六 志第一二九 食貨上四 卷一七七 志第一三〇 食貨上五 卷一七八 志第一三一 食貨上六 卷一七九 志第一三二 食貨下一		一三二一五四五 一三二一五五九 一三二一五八七 一三二一六〇七 一三二一六三〇 一三二一六五〇 一三二一六六七 一三二一六八四	

欽定四庫全書薈要

史部
宋史卷一百三十八

欽定四庫全書薈要卷五千七百六十六

史部

宋史卷一百三十八

元中書右丞相總裁托克托等修

樂志第九十一

樂十三 樂章七

朝會 御樓 肆赦
恭上皇帝皇太后尊號上

建隆乾德朝會樂章二十八首

皇帝升坐隆安 天臨有赫上法乾元鏗鏘六樂儼恪

欽定四庫全書

宋史
卷一百三十八

千官皇儀允肅五坐居尊文明在御禮備誠存

公卿入門正安 堯天協紀舜日揚光淑慎爾止率由

舊章佩環濟濟金石鏘鏘威儀炳煥至德昭彰

上壽禧安 乾健為君坤柔為臣惟其臣子克奉君親

永御皇極以綏兆民稱觴獻壽山岳嶸峴

舜韶更奏堯酒浮觴皇情載懌洪筭無疆基隆邾鄒

德茂陶唐山巍日煥地久天長

皇帝舉酒第一盞用白龜 聖德昭宣神龜出焉載白

詳校官編修臣王天祿

其色或游于川名符在治瑞應巢蓮登歌丹陛紀異
靈篇

第二盞甘露 天德冥應仁澤載濡其甘如醴其凝如
珠雲表潛結顯英允敷降于竹栢永昭瑞圖

第三盞紫芝 煌煌茂英不根而生蒲茸奪色銅池著
名晨敷表異三秀分榮書于瑞典光我文明

第四盞嘉禾 嘉彼合穎致貢升平異標南畝瑞應西
成德至于地皇祇效靈和同之象煥發祥經

第五盞玉兔 盛德好生網開三面明視標奇昌辰乃
見育質雪園淪精月殿著於樂章色含江練

羣臣舉酒正安 戶牖嚴丹展鵬鸞造紫庭懇祈南岳
壽勢拱北辰星得士於茲盛基邦固以寧誠明一何
至金石與丹青

簪紱若雲屯晨趨閭闔門伋伋羅禹會濟濟奉堯樽
周禮觀明備天儀仰睟溫高卑陳表著同拱帝王尊
待漏造王庭威儀盛莫京紛紛簪組列清越佩環聲

欽定四庫全書

宋史
卷一百三十八

三

非煙

禮飲終三爵韶音畢九成永固鳧藻樂千載奉升平
羣臣第一盞畢作玄德升聞 治定資神武功成顯睿
文貢輪庭實旅朝會羽儀分偃革千年運垂衣萬乘
君孰知堯舜力明德自升聞

約法皇綱正崇文寶歷昌道人振木鐸農器鑄干將
瑞日含王宇卿雲藹帝鄉萬邦成一統鴻祚與天長
六變 宸扆威容盛聲明禮樂宣九州臻禹會萬國戴
堯天貢職輸琛寶皇猷煥簡編含和均暢茂鴻慶結

朝會儼威儀司常建九旗舞容分綴兆文物辯威蕤
運格桃林牧祥開洛水龜帝功潛日用化俗自登熙
螭階聊載筆紀瑞軼唐虞丹鳳儀金奏黃龍負寶圖
羣材薪棧撲仁政煦蒲盧蕩蕩巍巍德豚魚信自孚
接聖宅神都方來五達區國賢熙帝載靈命握乾符
至化當純被斯文益誕敷車書今混一聖治奉三無
聖王臨大寶八表湊才賢經緯文天賦剛柔德日宣

建邦隆柱石造物運陶甄共致升平業綿長保億年
神化妙無方巍巍邁百王鶴書搜隱逸龍陛策賢良
拱揖朝羣后賓筵闢四方洪圖基億載浮曜德彌光
第二盞畢天下大定 皇猷敷八表武誼肅三邊蘭綺
韜兵日靈臺偃伯年奉珍皆述職削衽盡朝天功德
超前古音微播管弦

伐叛天威震恢疆帝業多削平倖肅殺涵煦極陽和
蹈厲觀周舞風雲入漢歌功成推大定歸馬偃琱戈
六變 惕厲日乾乾潛蟠或躍淵伐謀參上策受鉞總
中堅田訟歸周日民謠戴舜年風雲自冥感嘉會翼
飛天

壺闌方逆命投袂起親征虎旅聊攻伐梟巢速蕩平
天威清朔漠仁澤被黎氓按節皇輿復洋洋載頌聲
蠢茲淮海帥保據毒黎苗不悟龍興漢猶同犬吠堯
六師方雨施孤壘自冰消千載逢嘉運羣邦奉聖朝
上游荆楚要澤國洞庭深自識同文世皆迴拱極心

欽定四庫全書

宋史
卷一百三十八

四

一戎聊杖鉞九土盡輸金大定功成後薰風入舜琴
席卷定巴卬西遐盡率從岷峨難負阻江漢自朝宗
述職方舟集驅車九折通粲然書國史冠古耀豐功
銳旅慶回旆邊防盡晏然鍵橐方偃武飛將亦韜弦
震曜資平壘文明協麗天泱泱成大業赫奕在青編
淳化中朝會二十三首

上壽和安 四序伊始三陽肇開條風入律玉琯飛灰
望雲肅謁鳴佩斯來稱觴獻壽瞻拱星迴

一陽應候萬國同文天正紀節太史書雲凝旒在御
列敘爰分壽觴斯薦祝慶明君

皇帝初舉酒用祥麟 聖皇御寓仁獸誕彰在郊旅貢
游時呈祥星辰是稟草木無傷紀異信史登歌太常
再舉酒丹鳳 九苞薦瑞戴德膺仁藻翰爰奮靈音載
振非時不見有道則臻降岐匪匹儀舜為隣
三舉酒河清 沔彼涇瀆澄明鑑如清應寶運光涵帝
居同分沈璧徹見游魚聖祚無極神休偉與

欽定四庫全書

宋史
卷一百三十八

五

四舉酒白龜 稽彼靈物允昭聖皇浮石可躍巢蓮益

光金方正色介族殊祥信書永耀帝德無疆

五舉酒瑞麥 芄芃嘉麥擢秀分歧甘露夕洒惠風晨

吹良農告瑞循吏稱奇歸美英主折而貢之

羣臣初舉酒畢作化成天下 軒昊方同德成康粗比

肩素風惟普暢皇道本無偏陰魄重輪滿陽精五色

圓要荒咸率服卓越聖功全

聖德比陶唐千年祚運昌茂功雖不宰鴻業自無疆

欽定四庫全書

宋史
卷一百三十八

六

極塞成清謐齊民益阜康文明同日月遐邇仰輝光

六變 蕩蕩無私世巍巍至聖君山河分國寶日月耀

人文厭浥凝甘露輪囷吐慶雲正聲兼大雅洋溢應

南薰

鴻範合彞倫調元四序均歲功天吏正御苑物華新

底貢陳方物來賓列遠人奉常呈九奏嘉貺動穹旻

大君隆至化興運契千齡覲禮俄班瑞來賓盡實庭

成文調露樂奉聖拱辰星舞佾方更進朝陽上楚萍

禮樂昭王業寰區致太平革車停北狩雲稼屢西成

國有詳延詔鄉聞講誦聲日華融五色遐邇仰文明

亭障戢干戈人心決太和務農登寶穀獵俊設雲羅

儀鳳書良史祥麟載雅歌嘉辰資宴喜星拱弁戡戡

冠古耀鴻徽深仁及隱微二南江漢詠九奏鳳凰飛

設虞羅鐘律盈庭列舞衣文明資厚德怡懌兆民歸

再舉酒畢威加海內 革輅征汾晉隳城比燎毛桓桓

勗軍旅將將御英豪神武誠無敵天威詎可逃王師

欽定四庫全書

宋史
卷一百三十八

七

宣利澤需若沃春膏

振萬方明德疾徐咸可觀鏗鏘動金奏蹈厲總朱干

夾進昭威武申嚴警宴安守方推猛士當用鶚為冠

六變 宣榭始觀兵桓桓稱鼓行一戎期大定載纘議

徂征善政從師律神功冀武成勗哉勤誓衆王業自

經營

聲教方柔遠甌閩禮可招獻圖連日際歸國象江潮

撫運重熙盛提封萬里遙還同有虞氏文德格三苗

南暨宣皇化東吳奉乃神舞千方耀德執玉自來賓
巢伯朝丹陛韓侯覲紫宸古今歸一揆懷遠道彌新
遺俗續陶唐來蘇僕聖皇布昭湯弔伐恢復漢封疆
金鉞申戡剪朱干示發揚宜哉七德頌千載播洋洋
乃眷嘗西顧偏師暫首征靈旗方直指獷俗自亡精
禹敘終馴致堯封漸化成不須嚴尉候於廓海彌清
千戚有司傳威容著凱旋象成王業盛役輟武功全
兵寢西郊閱書惟北闕縣聖神膺景命卜世萬斯年

欽定四庫全書

宋史
卷一百三十八

八

景德中朝會一十四首

皇帝升坐隆安 金奏在庭羣后在位天威煌煌嚮明
負扆高拱穆清弁冕端委盛德日新禮容有煒
公卿入門正安 萬邦來同九賓在位奉璋薦紳陟降
庭止文思安安威儀棣棣臣哉隣哉介爾蕃祉
上壽和安 天威煌煌山龍采章庭實旅百上公奉觴
拱揖羣后端委垂裳永錫難老萬壽無疆

皇帝初舉酒祥麟 帝圖會昌二獸效祥雙角共觥示

武不傷四靈為畜玄枵耀芒公族信厚元元阜康

再舉酒丹鳳 矯矯長離振羽來儀和音中律藻翰揚

輝珍符沓至品物攸宜至德玄感受天之祺

三舉酒河清 德水湯湯發源靈長皎鑒澄徹千年效

祥積厚流濕資生阜昌朝宗潤下善利無疆

羣臣舉酒正安 思皇多士靖恭著位鳴玉飛綏鏘鏘

濟濟宴有折俎以示慈惠罔敢不祇福祿來暨

金奏在庭有酒斯旨顒顒卬卬嚮明負宸湛湛露斯

欽定四庫全書

宋史
卷一百三十八

九

式宴以喜佩玉蔡兮罔不由禮

酒以成禮樂以侑食露湛朝陽星環紫極淑慎爾容

既飽以德進退周旋威儀抑抑

初舉酒畢盛德升聞 八佾具呈萬舞有奕既以象功

又以觀德進旅退旅執籥秉翟至化懷柔遠人來格

閭闔天開羣后在位設業設虞庭燎晰晰斧展當陽

虎賁夾陛舞之蹈之四隩來暨

再舉酒畢天下大定 武功既成綴兆有翼以節八音

以象七德俟踳躅朱干玉戚發揚蹈厲其儀不忒
偃伯靈臺功成作樂以昭德容以清戎索萬邦會同
邪匿銷鑠盡善盡美侔彼韶箴

降坐隆安 被袞當陽穆穆皇皇擊石拊石頌聲揚揚
和樂優洽終然允臧禮成而退荷天百祥

大中祥符朝會五首

皇帝舉酒醴泉 感沸檻泉寒流清泚地不愛寶其旨
如醴上善至柔靈休所啟利澤無疆允資岱禮

欽定四庫全書

宋史
卷一百三十八

十

再舉酒神芝 彼茁者芝茂英煌煌敷秀喬嶽實繁其
房適符修貢封巒允臧永言登薦抑惟舊章

三舉酒慶雲 惟帝佑德卿雲發祥紛紛郁郁五色成
章奉日逾麗回風載翔歌薦郊廟播厥無疆

四舉酒靈鶴 玄文申錫嘉祥紹至偉茲胎禽羽族之
異翻翰來儀徘徊嘹唳祚聖儲休聿昭天意

五舉酒瑞木 天生五材木曰曲直維帝順天厚其生
植連理效祥成文表德總萃坤珍永光祕刻

熙寧中朝會六首

皇帝初舉酒慶雲 乾坤順夷皇有嘉德爰施慶雲承
日五色輪囷下乘萬物皆飾惟天祚休長彼無極

再舉酒嘉禾 彼美嘉禾一莖九穗農疇告祥史牒書
瑞擊壤歡歌如京委積留獻春種昭錫善類

三舉酒靈芝 皇仁溥博品物蕃滋慶祥回復秀發神
芝靈華雙舉連葉四施披圖按牒永享純禧

元符大朝會三首

欽定四庫全書

宋史
卷一百三十八

十一

皇帝初舉酒靈芝 嘉瑞降臨應我皇德商山神芝不
根而植春秋三秀晝夜一色物播詩歌聲被金石

再舉酒壽星 倬彼星象於昭于天維南有極離丙之
躔既明且大應聖乘乾誕受景福億萬斯年

三舉酒甘露 泣泣零露雲英醴溢和氣凝津流甘委
白飴泛泮林珠聯竹栢天不愛道聖功允格

哲宗傳受國寶三首與大朝會兼用

永昌 於穆我王繼序不忘明昭上帝上帝是皇長發

其祥惠我無疆受命于天既壽永昌

神光 惟皇上德伊嘏我王將受厥明載錫之光於昭

于天曠曠煌煌緝熙欽止其永無疆

翔鶴 彼鳴在陰亦白其羽聲聞于天來集斯所勉勉

我王咸遂厥宇播于異物受天多祜

紹興朝會十三首

皇帝升坐乾安 鈞陳肅列金奏充庭顙仰南面如日

之昇垂衣拱手治無能名順履獻歲大安大榮

欽定四庫全書

宋史
卷一百三十八

十三

公卿入門正安升降 天子當陽臣工率職流水朝宗

衆星拱極環佩鏘鏘威儀抑抑上下交欣同心同德

上公上壽和安 八音克諧萬舞有奕上公奉觴率茲

百辟聲效呼嵩祝聖人壽億載萬年天長地久

皇帝初舉酒瑞木成文 厚地效珍嘉禾紀瑞匪刻匪

雕具文見意三登太平允協聖治詩雅詠歌有光既

醉

再舉酒滄海澄清 百谷王符聖治不揚波效殊祉德

淪淵滄海清應千秋敘五行

三舉酒瑞粟呈祥 至治發聞惟馨香播厥百穀臻穰

穰農夫之慶歲其有禾易長畝盈倉箱時和物阜粟

滋茂嘉生駢穗來呈祥自今以始大豐美行旅不用

齋餼糧

羣臣酒行正安 羣公卿士咸造在庭式燕以衍恩均

露零穆穆明明於斯為盛歸美報上一人有慶

明明天子萬福來同嘉賓式燕局不肅雍燕以示慈

欽定四庫全書

宋史
卷一百三十八

十三

式禮莫愆樂胥君子容止可觀

酒一行文舞 帝德誕敷銷燦羣慝近悅遠來惟聖時

克玉振金聲治功興起韶箭象之盡善盡美

文物以紀藻色以明禮備樂舉適觀厥成睿知有臨

誕敷文德教雨化風洽此四國

酒載行武舞 用戒不虞誰能去兵師出以律動必有

名拆彼遐衝布昭聖武和衆安民時惟多助

止戈曰武惟聖為能御得其道無敢不庭整我六師

稽諸七德不吳不揚有嚴有翼

皇帝降坐乾安 帝坐熒煌廷紳肅穆對揚天休各恭

爾服頌聲洋洋彌文郁郁禮備樂成永膺多福

建隆御樓三首

南郊回仗駕至樓前采茨 高煙升太一明祀達乾坤

天仗回嶢闕皇輿入應門簪裳如霧集車騎若雲屯

兆庶皆翹首巍巍萬乘尊

升坐隆安 裡祀畢圖丘嘉辰慶澤流天儀臨觀魏盛

欽定四庫全書

宋史

卷一百三十八

十四

禮藹風猷洋溢歡聲動氛氲瑞氣浮上穹垂眷佑邦

國擁鴻休

降坐隆安 華纓就列來享來王帝儀炳煥大樂鏗鏘

禮成嶢闕言旋未央一人有慶萬壽無疆

咸平御樓四首

采茨 禮成于郊迎日之至時乘六龍天旋象魏端門

九重虎賁萬騎四國來王羣后輯瑞

索扇隆安 應門有翼羽衛斯陳山龍袞冕律度聲身

我我奉璋肅肅九賓清明在躬志氣如神

升坐隆安 圜丘類上帝六變降天神裡燔禮云畢仗

衛肅以陳天顏瞻咫尺王澤熙陽春玉帛臻禹會動

植霄堯仁

降坐隆安 肆眚云畢淳熙溥將雷雨麗澤雲物效祥

禮容濟濟天威皇皇大賚四海富壽無疆

咸平籍田回仗御樓二首

采茨 農皇既祀禮畢躬耕商輅旋軫周頌騰聲觀魏

欽定四庫全書

宋史

卷一百三十八

十五

將陟服御爰更輿人瞻仰如日之明

升坐隆安 應門斯御雉扇爰開人瞻日月澤動雲雷

同風三代均禧九垓歡心允洽時詠康哉

乾興御樓二首

升坐隆安 夾鐘紀月初吉在辰青災流慶有德推仁

采章震耀典禮具陳茂昭丕貺永庇斯民

降坐隆安 皇衢赫敞黼坐穹崇華纓在列嚴令發中

王制鉅麗寶瑞豐融均禧繇寓萬壽無窮

紹興登門肆赦二首

升坐乾安 拜況于郊皇哉唐哉熙事休成六駢鼎來

天間以決地垠以開闢祉發祥如登春臺

降坐乾安 鴻需普洽言歸端門蕩蕩巍巍旋乾轉坤

穆然宣室儲思垂恩於萬斯年敷錫羣元

寧宗登門肆赦二首

升坐乾安 帝饗于郊荷天之休五福敷錫皇明燭幽

雲行雨施仁翔德游聖人多男歌頌九州

欽定四庫全書

宋史

卷一百三十八

十六

降坐乾安 天日清晏朝野靖安三靈答祉萬國騰懽

帝命不違王業艱難天子萬年永迪監觀

皇帝上尊號一首

冊寶入門正安 於穆元后天臨紫宸飛縷星拱建羽

林芬徽冊是奉鴻名愈新荷茲介祉永永無垠

明道元年章獻明肅皇太后朝會十五首

皇太后升坐聖安 聖母有子重光類禋聖皇事母感

極天人百辟在庭九儀具陳禮容之盛萬國咸賓

公卿入門禮安 帝率四海承顏盡恭端闡肅設羣后

來同玉佩鏘鳴衣冠有容英韶節步磬管雍雍

皇帝上壽酒崇安 天子之德形于四方尊親立愛化

洽風揚聖母禕衣明君黼裳因時獻壽克盛朝章

上壽福安 盛禮煌煌六衣有光千官在位百福稱觴

乾德慈仁邦斯淑祥如山之壽佑聖無疆

皇太后初舉酒玉芝 茁彼靈芝生于殿闈照映華拱

紛敷玉璫感召元和光符聖期祥篇協吉百福咸宜

欽定四庫全書

宋史

卷一百三十八

十七

再舉酒壽星 現彼南極昭然瑞文騰光丙位薦壽中

宸太史駢奏升歌有聞軒宮就養億萬斯春

三舉酒奇木連理 王化無外坤珍效靈旁枝內附直

幹來并羣分非一祺祥紹登至誠攸感海縣斯寧

羣臣酒行禮安 肅肅臨下有威有容循循事上惟信

惟忠盛禮興樂示慈訓恭君臣協吉惟道之從

湛湛零露晞于載陽我有旨酒羣臣樂康既飲以德

亦圖爾良永言修輔用協天常

禮均孝慈樂合韶武至德光矣鴻恩亦溥上下和濟
華裔樂滑醴筭三行盛儀斯舉

酒一行畢作厚德無疆之舞 堯母之聖放勛為子同
心協謀柔遠能邇以德康俗以文興治斯焉象功罔
不昭濟

至矣坤元道符惟聖就養宸極助隆善政翟籥紛舉
笙鏞協應翺翔有容表德之盛

酒再行四海會同之舞 七德之舞四朝用康有如姬

欽定四庫全書

宋史
卷一百三十八

十八

妣助集周邦威克厥愛居安不忘風旋山立濟濟皇
皇

左秉朱干右揮玉戚以象武綴以明皇德天子榮養
羣臣述職四方賓附罔不承式

降坐聖安 長樂居尊盛容有煒文王事親萬國歸美
朝會之則邦家之紀受福于天克昭隆禮

治平皇太后皇后冊寶三首

皇帝升坐乾安 王化之始治繇內孚時庸作命玉簡

金書碧琯在庭其縱繹如天臨法辰禮與誠俱

太尉等奉冊寶入門正安 晬儀臨拱丕明明敬鸞回

寶勢鴻貫瑤光禮成樂備德裕名芳肇基王化永懋

天祥

皇帝降坐乾安 袞衣繡裳嚴威肅莊八音具張龔虞

龍驤玉簡瑤章金書煌煌壽千萬年與天比長

熙寧皇太后冊寶三首

出入正安 煌煌鳳字玉氣宛延天門岨岨飛驂後先

欽定四庫全書

宋史
卷一百三十八

十九

龍龔四合奏鼓淵淵母儀天下何千萬年

升坐乾安 裁裁綉宸旋佩以登如彼杲日凌天而升

玉色下照疊疊繩繩猗歟大孝四海其承

降坐乾安 皇帝降席流雲四開堯趨舜步下躡天墀

恭授寶冊翠旒裴回明明純孝鴻釐大來

哲宗上太皇太后冊寶五首

皇帝升坐乾安 大矣孝熙帥民以躬奉承寶冊欽明

兩宮萬樂具舉一人肅雍化繇上始四海來同